

ՊԱՏՄԱԿԱՆ ԱՆԴՐԱԴԱՐՁՆԵՐ

ԺԱՆ ՊԻԵՐ ՄԱՀԵ

(Ֆրանսիա)

ՎԱՉԱԳԱՆ Գ ԲԱՐԵՊԱՇՏԸ ԵՒ ՄԱՍՈՒՆՔՆԵՐԻ ՊԱՇՏԱՍՈՒՆՔԸ

484 թ. Նուարսակի խաղաղության պայմանագրի հետեւանքով Աղուանից բոլոր իշխանների համաձայնութեամբ, Վաչէ արքայի եղբորորդին՝ Վաչագանը, հռչակում է Աղուանքի թագաւոր, Պերոզ Շահանշահի յաջորդի՝ Վաղարշի կողմից: Նրա թագաւորութիւնն ընդգրկում է նախկին Սասանեան մարզպանութիւնը, որն ստեղծուել էր մօտաւորապէս 430 թ., այսինքն՝ Մեսրոպ Մաշտոցին ծանօթ Արսուաղէն արքայի մահուանից յետոյ: Բաղկացած է ո՛չ միայն Կուր գետի ձախ ափի վրայ տարածուող բուն Աղուանքից, այլեւ 428 թ. Արշակունեաց թագաւորութեան վերացումից յետոյ Մեծ Հայքից անջատուած Ուտիքի և Արցախի աջափնեայ մահանգներից:

Յիսուանայ պարսկական տիրապետութիւնից յետոյ, աշխարհի բոլոր շրջանները՝ թէ՛ Ունայր արքայի օրերով քրիստոնէացած աղուանախօս գաւառները և՛ թէ՛ հայերէնախօս մահանգները, համարեա թէ հեթանոսութեան էին վերադարձել: Աւելի ժիշտն ասած, ընտրանու մէկ կէտը զրադաշտականութիւնն էր ընդունել սասանեան վարչութեան մասնակցելու նպատակով, իսկ ժողովուրդը դիւթական և կախարդական հին սովորութիւններն էր վերագտել: Գահ բարձրանալուց յետոյ Վաչագանն իսկոյն ամէն ջանք թափեց հեթանոսութիւնն արմատախիւ անելու և քրիստոնէութիւնը վերստին հաստատելու համար: Սակայն նա չփորձեց աղուաներէն լեզուով Աբսուաղէն արքայի գրի առնուած հին ծիսաբանութիւնը վերականգնել: Բանն այն է, որ մտքովն անգամ չի անցել: Վաչէ հօրեղբորը նման, նա հայախօս է եղել: Յենունելով հարաւային մահանգների հայախօս աւագանու վրայ, կրօնական խորհուրդներ էր ուզում Մամիկոնեանների եպիսկոպոսից՝ Աբրահամից (I, 25 էջ 88) և աշխարհը կառավարում էր անկասկած իր գահը պաշտպանող Վահան Մամիկոնեանի համաձայնութեամբ: Իր օրերով Աղուանից եկեղեցին ամբողջովին հայախօս դարձաւ:

Վաչագանի մահուանից կարճ ժամանակ յետոյ 510ական թուերին արքայի վարքը յօրինած պատմագիրը (HA I, 15-26) շեշտը դնում է գլխաւորապէս նրա բարեպաշտութեան և մասունքների պաշտամունքի վրայ: Ամարասուն յայտնաբերելով Լուսաւորչի թոռան՝ սուրբ Գրիգորիսի ոսկորները, կառուցեց ցայսօր պահպանուած դամբարանը և փառաւորեց Աղուանքի միութիւնն, ինչ-

պէս նաև Հայաստանեայց և Աղուանից եկեղեցիների անքակ կապերը մարմնացնող սուրբ վկային:

Թէպէտև այդ խորհրդանիշը քաղաքական մեծ նշանակութիւն ուներ, սակայն սրանով լրիւ չի բացատրուում արքայի կրօնասէր վերաբերմունքը: Աղուանքի առաջին կաթողիկոսի մասունքների գիտը վերջին փուլն է մի երկարատև երկարաշունչ ծրագրի: Սրբութիւնների այդպիսի մի ծարտարագիտութիւն ըմբռնելու համար պէտք է նախ և առաջ մտածել աղուանական հեթանոսութեան բնոյթի և գրական շրջապատի մասին:

Թէ՛ Ստրաբոնը և թէ՛ VI դարի հայ ժամանակագիրը համաձայն են՝ ծանաչելով, թէ Աղուանից հեթանոսական ծեսերը չեն կատարուել քար տաճարներում, այլ բնութեան մէջ, ոգիներին և չաստուածներին պատկանող անապատ վայրերում. օրինակ, Լուսին դիցուի ու՝ **Հեկօթեայի** զոհարանը, որտեղ ամէն տարի մատուցանում էին մարդկային զոհեր, գտնուում էր Վիրքերին սահմանամերձ անտառներում (XI, 4,7): Նմանապէս մատնահատների արիւնաքան աղանդը կատարում էր մաշկման ծեսերը «Կուր գետի ափին մի ապահով անտառում» (I, 18):

Հեթանոսական Աղուանքում կառուցուած տաճարների գոյութիւնն այնքան նուազ հաւանական էր, որքան որ բնիկ Աղուաններն անհմուտ շինարարներ էին: Ուստի և Բիւզանդացիների դէմ վարած Բագաւանի ծակատամարտից առաջ, այն ժամանակ դեռ հեթանոս Ուռնայր արքան հրամայում է զինուորներին. «Լաւ յիշեցէք, յոյն մարտիկներ ձերբակալելիս, թէ պէտք է նրանցից այնքան շատ ողջ պահել, որքան հնարատու կլինի, որովհետև նրանց գերեվարելու ենք Աղուանք, որպէսզի այնտեղ աշխատեն որպէս քարտաշ կամ որմաշէններ մեր քաղաքների, պալատների և ուրիշ պիտոյքների համար» (V, 4): Հետևաբար Աղուանից աշխարհի չաստուածները միշտ այնպիսի սրբավայրերից ստիպուած պիտի բաւարարուէին, որոնք մարդկային արուեստներին ոչինչ պարտական չէին:

Այս հանգամանքը յատկապէս դժուար էր դարձնում աղուանական հեթանոսութեան բնաջնջումը: Եթէ ընթերցասէր, իր սեպիական Ռուտակ գիւղում դպրոց բացող Վաչագանը փորձէր Ագաթանգեղոսի «Հայոց Պատմութիւնից» ներշնչուել՝ սուրբ Տրդատի և սուրբ Լուսաւորչի վերաբերմունքն ընդօրինակելու համար, անպայման պիտի զգար, թէ ինչքան աւելի բարդ էր ի՛ր, քան թէ իր նախորդների գործը. IV դարի Հայաստանում չաստուածները քար պատերով և փայտեայ գերաններով մեհեաններում էին բնակուում: Բաւական էր դրանք հրդեհել, կործանել, յատակել (Aa 778), որպէսզի տնանկած դները փայտէին: Ժախով բազինները և ծովածոյ կամ քարագործ կուռքերը և Յու-

նաստանից բերուած չաստուածների արձանները՝ հնարաւոր էր տեղն ազատել ամէն վնասակար ազդեցութիւնից: Բայց ի՞նչ միջոցի հարկաւոր էր դիմել ո՛չ տաճար, ո՛չ դէմք, թեկուզ ո՛չ անուն չունեցող դէների դէմ, որոնք սփռուած են եղել ամբողջ աշխարհում:

VI դարի պատմագիրը ցոյց է տալիս, թէ ինչպէս թագաւորը ճախ և առաջ աշխատեց հեթանոսական պաշտամունքների հասարակական հիմունքները քայքայել: Արքայութեան ամէն գիւղում, այսինչ կամ այնինչ գերդաստան, սերունդէ սերունդ մէկ-երկու անդամ է ունենում՝ թէ՛ տղամարդ, և՛ թէ՛ կնամարդ, որը գործում է որպէս մի տուեալ դիցականութեան քուրմ, գուշակ կամ վիճակ՝ մասնակցելով գաղտնի ծեսերի: Մատնահատների դէպքում վաշագանը ականատեսների կողմից մատնուած աղանդաւորներին հարկադրում է իրենց կատարած ծիսական ոճիրը դատական մի վերակառուցման ենթարկելու: Այսպիսով, ստիպուած են յաչս բոլորի այն արարքները կատարել, որոնք սկզբունքօրէն յայտնի էին միայն աղանդի նուիրագործեալ անդամներին:

Բացի այդ, դէպքերի նոյն բեմադրութիւնը կրկնում է գիւղից գիւղ այն գերդաստանների տների առջև, որոնց անդամներից մէկը անդամակցել է աղանդին: Յանցաւորները սպանում են նոյն չարչարանքով, ինչին ենթարկում էին աղանդի զոհերին: Գաղտնիքի քողախնդրութիւնը խմբին զրկում է իր համայնական կապից:

Այս օրէնքների գործադրութիւնը պահանջում է սարկաւազներ, քահանաներ, քորեպիսկոպոսներ և եպիսկոպոսներ ընդգրկող եկեղեցական հսկողութեան մի ընդարձակ ցանկ տեղաւորելը, որը շատ նման է Արևմտեան երկրների միջնադարեան կրօնաքննութեան:

Սակայն անօգուտ է ամէն վայրից վանել դիւական ազդեցութիւնները, եթէ ազատագրուած տարածութիւնները իսկոյն չգրադեցուեն սրբութեան ուժերով: Ահա այստեղ են միջամտում մարտիրոսների մասունքները: Նախ և առաջ այդ սրբերը Քրիստոսի ականատես վկաներ են: Օրինակ, Յովհաննէս Սկրտիչն ասել է. «Տեսի և վկայութիւն եմ բերում»: Սուրբ Ստեփանոսը տեսաւ, բաց երկնքի միջով, փառաւոր գահում նստած Քրիստոսին: Սուրբ Հռիփսիմէն լսեց աստուածային ծայն և այլն: Այդ պատճառով մարտիրոսներն իշխանութիւն ունեն ո՛չ միայն որպէս հաւատի քաջ նահատակներ, իրենց անցած վայրերը սրբելու կամ սրբացնելու, այլև իրենց հերոսական զոհաբերութեան շնորհիւ որևէ տեղ (թեկուզ Երուսաղէմից շատ հեռու) Աստծու Բանի մարդեղութեան յատուկ և արդիւնաւէտ մի նշանի վերածելու: Ի դէպ, Յիսուսի մէջ մարմնացած Բանը ուխտ է կնքել ոչ թէ մի ազգի և սերունդի, այլ հողածին մարդկանց բոլոր ազգերի հետ, բոլոր ժամանակաշրջաններում: Աստծու Որդու մարդեղութիւնը պէտք է արմատներ արկանի աշխարհիս բոլոր ժողո-

վորդների մէջ և ահա այդ ժողովուրդներից ծագած մարտիրոսներն են այդ արմատներն արկանում իրենց վկայութեան վայրերում:

Որպէս Յակոբ Տեառն եղբօր աշակերտի՝ եղիշայի արիւնով է ողողուած քրիստոնէական աշխարհը, Աղուանքը հեթանոսների և պարսիկների հաւածանքների հետևանքով ունեցել է բազմաթիւ վկաներ: Միայն թէ յիսուն տարուայ ընթացքում տիրող բռնակալութիւնն ու տգիտութիւնը այդ սրբերի անուանները ջնջել և մոռացման են մատնել: Սակայն գերեզմանների հողի ներքո նրանք դեռ կան և ուզում են յայտնաբերուել: Վաչագանի արժանիքն այն է եղել, որ ուշադիր լսեց նրանց, ով լինելը ժամաչեց և ամենուրեք սփռեց նրանց վկայութեան փրկարար ուժը:

Ժամանակագրի պատմութեամբը յօրինուած է կարծես թէ Da Vinci Code-ի մման, այսինքն՝ որպէս իրար հետևից լուծուելիք հանելուկների մի յարմարանք: Ծանապարհի ամէն մի փուլին նոր մատուցներ կան նոր նշաններ են հանդիպում, ինչպէս նաև նոր ցուցմունքներ՝ յաջորդները գտնելու համար: Վերջապէս վերանորոգում են յիշողութեան շղթայի այն օղակները, որոնք թոյլ են տալիս մինչև Աղուանքի առաջին կաթողիկոսի՝ առաքելական շրջանի և հաւատքի արմատացման միջև կամուրջ հանդիսացող Սուրբ Գրիգորիսին:

Իմաստ և ինքնութիւն որոնող անանուն մի սրբութեան առաջին յայտնուելը տեղի է ունենում Ամարասի շրջակայքում գտնուող Ցրի-ի կիսաւեր եկեղեցում: Այնտեղ հաւաքուող սքանչելագործ հողը բուժում է իրենով քսուող հիւանդներին, նոյնիսկ եթէ հեթանոս լինեն և անգամ չգիտեն՝ թէ ի՞նչ է բուժող սրբի անունը: Դժգոհելով տեսնելուց, թէ այն թափուր աւերակները տեղացիների համար դարձել է մի սրբավայր, մի պարսիկ մոգ որոշում է սրբապղծել այդ՝ իր բնական պահանջը ներսը կատարելով: Իսկոյն է սատկում անբացատրելի չարիքի՝ հետևանքով: Թէպէտև այդ նշանը ապացուցում է մինչև այդ պատահած հրաշքների աստուածային ծագումը, բայց դրանք անվերծանելի են մնում, ինչքան չվերականգնուեն բուժումների հեղինակների անունները յիշատակող աւանդութիւնները:

Ճիշտն ասած, ժշմարտութիւնն իմացած վերջին ականատեսների ոսկորները տեղում այլևս չկան: Դանիէլ ծեր երեցը և նրա աշակերտը՝ ճիղք ազգով մի կտրիժ, պարսիկների կողմից են գլխատուել: Այն ժամանակ ասորի արեղաները տարել են Հակու նրանց դիակները և վաճեց են կառուցել: Ե՛րբ են պատահել այդ դէպքերը: Աղուանից Աշխարհի պատմութեան առաջին երկու գրքերի խմբագիրը կարծում է, թէ տեղի են ունեցել Ուռնայի՝ առաջին քրիստոնէայ արքայի հաջորդի՝ Քաջն Վաչի օրերով: Պարսիկները միջամտած պիտի լինէին

իրենց աղուան դաշնակցի խնդրանքով ապստամբուած Յրի քաղաքի բնակիչներին պատժելու համար: Իրօք ժամանակագրական ոչ մի դժուարութիւն չկայ ընդունելու, թէ 330-ական թուերին վկաների մասունքները բերուել են քրիստոնէական նոր դարձած գաւառում և Յրի եկեղեցու պաշտօնեաները սպանուել են Գրիգորիսի մարտիրոսութիւնից 334 թուից յետոյ: Միայն թէ այն ժամանակ Արցախն Աղուանքի մաս չէր կազմում, այլ պատկանում էր Հայաստանին:

Յամենայն դեպս, սուրբ Գրիգորիսը, ինչպէս շուտով կհասկանանք, ուզելով յայտնաբերուել բարեպաշտն Վաչագանի կողմից, աղերսել է Չաքարիային և Պանտալիոնին, որ ամենամօտիկ կրօնական իշխանութեանը ներկայանան, Յրիի նահատակների հանգստեան տեղը: Ուստի և Հակու վանքի առաջնորդ Յակոբին երևում են մի փառահեղ ծերունի և մի երիտասարդ, որոնք պահանջում են, որ ինքը Յրի քաղաքի կառավարչի՝ Խոճկորիկի աջակցութեամբ, իրենց մասունքները հողից հանի, յայտնաբերի: Յակոբն այնքան ծոյլ և թերահաւատ է, որ չի ուզում տեսիլքին հնազանդուել, բայց **գերաբուն** հիւանդութեամբ է հարկադրում շարժուելու: Միւս կողմից, Խոճկորիկ իշխանն այնքան ծանր քնով է ննջում, որ իսկոյն մրափում է մինչև տեսիլքը կարողանայ իրեն հետ խօսել: Սակայն երկուսը վերջապէս մի մասնատուփ են գտնում, որի վրայ ինքը՝ սուրբ Գրիգորիսը հետևեալն է գրել. «Ես՝ Գրիգորիսս, բերեցի այս սրբերին՝ Յովհաննու հայր՝ երջանիկ Չաքարիային, ինչպէս նաև երանելի Պանտալիոնին՝ Քրիստոսի մեծ մարտիրոս, որը վկայութիւնը տուեց Նիկոնեղիայ քաղաքում, և հենց այստեղ օրերս աւարտեցի» (HA I, 19 էջ 59-60):

Յրիի մարտիրոսների ով լինելն յայտնող այս արձանագրութիւնը ժամանակակից ընթերցողին 2 փշոտ հարց է դնում: Նախ և առաջ՝ ի՞նչ լեզուով և այբուբենով Գրիգորիսը այս բնագիրը գրեց: Ժամանակագիրը լռում է այդ մասին: Ի դէպ, IV դարում հայկական այբուբենը դեռ գոյութիւն չունէր և չգիտենք, թէ Գրիգորիսը յունարէն կամ ուրիշ լեզուով էր գրում: Եթէ այդպիսի արձանագրութիւն գոյութիւն է ունեցել՝ կամ կեղծ է, կամ պետք է համարել, թէ պատմագրի կողմից յօրինուած մի գրական ստեղծագործութիւն է եղել, որով ուզում էր արտայայտել դէպքերի մասին իր կարծիքը:

Երկրորդ հարց. Գրիգորիսը Յրիում չի վախճանուել, այլ Վատնեան դաշտում, Կասպից ծովի ափում: Ինչպէս կարող է գրած լինել թէ «<ենց այստեղ (Յրիում) օրերս աւարտեցի»: Արձանագրութեան հեղինակին համաձայն, սուրբը Յրիում գտնուելիս արդէն որոշել է նահատակուել և կանխաւ է իմանում, թէ իր դիակը Արցախ կվերադարձուի, ուստի և մի տեսակ կտակ է գրում, այնտեղ իսկ թողնելով իր առաքելութեանն ուղեկցող սրբոց նշխարներից մի մասը:

Պատմագիրն ինչպէ՛ս կարող է այնքան համոզուած լինել, դէպքերին տեղեակ լինել, որ համարձակուի Լուսաւորչի թոռանն այնպիսի գրութիւն վերագրել: Չեռքի տակ ունեցած աղբիւրներից, 5-րդ դարի կեսերին Հոննի Յու-

նան եպիսկոպոսի գրած յիշատակարանը վերաբերում էր յատկապես անօրէն պարսիկ մոզի մահուանը, բայց ո՛չ եկեղեցու մասունքների որտեղից գալուն:

Այդ մասին միայն բերանացի աւանդոյթներ կային: Պէտք է կարծել, թէ գլխաւոր վկաների, այսինքն՝ Դանիէլի և ճիւղ երիտասարդի մահուամբ հանդերձ, վայրերի յիշողութիւնը յարատեւ է: Աղուանից Պատմութեան առաջին երկու գրքերի ութերորդ դարի խմբագիրն այնպիսի տեղեկութիւններ է իմանում, որոնք Բարեպաշտն Վաչագանի վարքագրին յայտնի չեն: Օրինակ, նա գիտի, թէ Յրիի երեցի անունը Դանիէլ է եղել, և թէ Չաքարիայից պահպանուել է միայն արիւնը, կամ էլ թէ ասորի արեղաներ են Հակոբի վանքը կառուցել: Այս տեղեկութիւնները հաւանաբար տեղական աւանդոյթներից է քաղել:

Բայց Յրիւմ տեղի ունեցած տեսիլքները նոր աղբիւր են հանդիսանում աւանդութիւնը հարստացնելու համար: Շատ կարևոր են այդ տեսանկիւնից Յակոբի և Խոճկորիկի դանդաղումները, նրանք չեն ուզել սուրբ վկաների երևան գալը, տեսիլքները ինքնըստինքեան են եկել ծոյլ և անուշադիր արբա-
հօր և իշխանատրի մօտ: Ուզած-չուզած Խոճկորիկն անկողնուց հանուել է Յրիի եկեղեցում տեղի ունեցած մասունքների գիտի ականատես լինելու համար, ինչի մասին ստիպուած զեկուցում գրեց Վաչագան արքային: Թէպէտև համեմատաբար նոր է կառավարչի կողմից կնքուած այս պաշտօնական նամակը, այնքան լաւ է փոխարինում գոյութիւն չունեցած 4-րդ դարի փաստաթղթերը, որ 6-րդ դարի պատմագիրն անվարան է վերականգնում, թէ ինչ ինքը՝ Գրիգորիսը պիտի գրէր:

Սակայն տեսիլքի սրբերը թէպէտև երևացել են, բայց անունները չեն ասել: 6-րդ դարի հեղինակն, ինչպէս նաև նրա ընթերցողները, բերանացի աւանդոյթից լաւ են իմանում, թէ նրանք Չաքարիան և Պանտալիոնն են, այդուհանդերձ Գրիգորիսի գրութիւնն այդ մասին աւելի մեծ հեղինակութիւն ունի: Այն վարկածն էլ չպիտի բացառենք, թէ հեղինակը խաղում է ընթերցողների հետ՝ տեսիլքն այնպէս նկարագրելով, որ իսկոյն գուշակեն թէ ով է երևացել. «այդ մի աւագաշուք» և «մի մանուկ արանց»: Միգուցէ Յակոբը և Խոճկորիկը կամ 6-րդ դարի ընթերցողները տեսել էին Չաքարիայի և Պանտալիոնի սրբապատկերները: Այդ դէպքում միտք ունէին, թէ ինչի նման են այդ սրբերը: Սակայն լոկ ենթադրանք է այդ մնում, քանի որ մեր ունեցած առաջին պատմագիտական տուեալները Աղուանքում գտնուող սրբապատկերների մասին աւելի ուշ են, քան Վաչագան 3-րդի թագաւորութիւնը: Յիշատակենք օրինակ Արցախի պատկերատեսացներին, Հայոց կաթողիկոսների Մովսէս 2-րդի (574-604) և Աբրահամ 1-ինի (607-611) օրօք: 684 թուին Հոնքի մօտ առաքուող Իսրայէլ աղուանից եպիսկոպոսի կողմից պատուիրուած խաչերը շատ հարուստ կենդանագիր նկարներով զարդարուած են, մասունքները պատկերներին զուգաւորելով: Այդպիսի պատկերագրութիւն զարգացնելը երկար ժամանակ է պահանջում: Ուրեմն, անհնա-

րին չպէտք է համարել, որ սրբապատկերներ (թեկուզ արտասահմանից բերուած) Աղուանքում են հանդիպել 5-րդ դարի վերջին կամ 6-րդ դարի սկզբին:

Յամենայն դէպս Չաքարիայի և Պանտալիոնի մասունքները յիշեցնում էին Զրիստոնէութեան տարածուելու երկու վժռական ժամանակաշրջան. սկզբնական տարիները, երբոր Զրիստոսը դեռ աշակերտների հետ միասին էր. շրջում և Կոստանդնու խաղաղութիւնից առաջ վերջին փորձութիւնը՝ Դիոկղետիանոսի վերջին հալածանքը: Այդքան փառաւոր վկաներ, ո՞ւմ կարող էին մատչելի լինել. միայն Լուսաւորչի պատգամաւորին՝ Գրիգորիսին հնարաւոր էր այդպիսի գանձեր ձեռք բերել, որոնք նմանում էին իր պապիկի Յունաց աշխարհից բերածներին: Իրօք, ակներև առնչութիւն ունեն Սուրբ Կարապետի և Սուրբ Աթանազիոսի այն մասունքները, որոնցով Լուսաւորիչը կործանել է Հայոց Մեծաց հեթանոսական տաճարները և Գրիգորիսի ընտրած Չաքարիայի և Պանտալիոնի սուրբ նշխարները, որոնցով հաւատքը քարոզեց ամբողջ Աղուանքում: Ի դէպ, Չաքարիան Կարապետի հայրն է. ըստ անվաներ աւետարաններին, նահատակում է որդու նման Հերոդոսի հրամանով: Իսկ Գալերոս կայսեր նախկին բժիշկը՝ Պանտալիոնը, Աթանազիոսի պէս զոհում է Դիոկղետիանոսի ժամանակ: Սա հաստատում է, թէ միայն Գրիգորիսը, որպէս Լուսաւորչի կատարեալ հետեւորդ, կարող էր այդ սրբերին գտնել իր առաքելութիւնն առաջնորդելու համար:

Աւելին նկատենք. ներսից ներածուած այդ սրբերը կարծես թէ արմատացուել էին Աղուանքում: Ոչ միայն տեղացի տգէտ հեթանոսներին էին անդադար բուժում, այլև հետևորդներ էին ունեցել: Իրենց մասունքները պահող Դանիէլ երեցն ու ճիղք երիտասարդը որոշ նմանութիւն էին ստացել նրանցից և նրանց նման նահատակուել:

Վաչագան արքայի համար այդ մասունքների յայտնաբերուելը համարժան էր մի աստուածային հրաւերի, Աղուանքի մէջ դրանք ներածող սրբոյ նշխարները վերագտնելու: Ճիշտն ասած, Բուզանդարանից բոլորը գիտին, թէ սուրբ Գրիգորիսը հանգիստ էր գտել Ամարասի եկեղեցու ձօտ: Միայն թէ, ինչպէս նախկին դէպքերում, աւանդոյթի յիշողութիւնն ընդհատուել էր Սասանեան մարզպանների ժամանակ: Ուստիև մոռացել էին ո՞չ մի յատուկ նշանով ցուցադրուած գերեզմանի ծձգրիտ տեղը: Պատմագիրը կռահում է, թէ այն պատճառով նշան չկայ, որովհետև վախենում էին, որ մէկը զար, մասունքները փախցնէր: Նկատենք միայն, թէ անհնարին էր սրբոյ անունը գրել, քանի որ այրութէն չկար:

Այդ արկածին հանդիպելով, արքան նախ վարանում է՝ թէ ի՞նչ անի: Առաջին միտքն է պեղումներ կատարել տալ: Բայց ինչպէ՞ս կկարողանան այն

բազմաթիւ ոսկորները ճանաչել, որոնք անպայման կհայտնաբերուեն Ամարասի եկեղեցու շուրջը: Վաչագանը համոզւում է, թէ միայն աստուածային մի նշան կարող է օգնել մարդկային անկարողութեան: Այդ նշանը խնդրելու համար հրաւիրում է իշխանութեան բոլոր կղերականներին իր հայրենի գիւղում Դիւտականում (Թալիշի և Մատաղիսի միջև Ջրաբերդ գաւառում) տեղի ունենալիք պահի և աղօթքի մի յատուկ վարժութեանը: Արքունիքի իշխաններին, եպիսկոպոսներին, երեցներին, ձգնաւորներին և բանակի զինուորներին հաւաքող այդ ժողովը, միացնելով եկեղեցու ուխտի, այսինքն՝ Քրիստոսի միստիքական մարմնի բոլոր բաղադրիչները, մի իսկական սինհոդոսի բոլոր յատկանիշներն ունի: Բացակայողների կամ ուշացողների դէմ նախատեսուած պատիժները ուժեղացնում են այդ վարկածը:

Թէպէտև սինհոդոսը սահմանափակուած է մէկ ազգային եկեղեցիով, բայց սրբոց նշխարքները շնորհում են իրեն տիեզերական չափանիշ: Չաքարիայից և Պանտալիոնից բացի հաւաքւում են ո՛չ միայն Աղուանքում ցիրուցան եղած բոլոր սրբերը, այլև Լուսաւորչի, Հռիփսիմէի և Գայանէի մասունքները, որոնք ուղարկել է Յովհաննէս Մանդակունին: Այդպիսի ուժեղ միջնորդութեամբ զօրէղացուած ժողովի աղօթքները, արքայութեան բոլոր գաւառներից եկող շատ նշաններ են ձգում: Դժբախտաբար այդ նշանները կամ սխալ են մեկնաբանւում, այնպէս որ դրանց հիման վրայ ձեռնարկուող հետազօտութիւններն ապարդիւն են մնում, կամ թերի են և պէտք է ամբողջացուեն ուրիշ տեսիլներից քաղուած լրացուցիչ նշանների միջոցով:

Այդուամենայնիւ, արքան չի յուսաբեկւում և չի դադարում որոնելուց: Բանի որ աղօթքներով և պահքերով հանդերձ նշանները իրեն չեն հասնում, ինքը պէտք է գնայ իրենց հանդիպի ամբողջ ժողովի հետ միասին (I, 21 էջ 70): Այն ժամանակուանից ի վեր, երբ որ ընդունել էր Չաքարիայի և Պանտալիոնի մասունքները, Վաչագանը սարքել է տուել մի շարժական եկեղեցի, որը նմանւում է Շահապիւանում եղած Արշակ Երկրորդի արքայական բանակի եկեղեցախորանին: Սակայն այն եկեղեցին, որը Վաչագանն իրեն հետ էր տեղափոխում եզներով լծուած սայլւում, բաղկացած է 3 գօտիներից: Կենտրոնում գտնւում է մարտիրոսների յատուկ տաղաւարը: Այդ կարելի է պատկերացնել որպէս «շիկակարմիր խորան», այսինքն՝ կարմիր կաշուց, ներսում սպիտակ կտաւով պատուած մի տեսակ ...: Կարելի է համեմատել այդ նոյն գոյնով և նոյնաձև այն շքեղ վրանի հետ, ինչ Պարսիկների Շահանշահը նուիրել էր Մանուել Մամիկոնեան սպարապետին: Վերջինիս գագաթին ոչ թէ խաչ, այլ արծիւ էր կանգնած: Փակուած էր որանակներով և մէջը կար երկնագոյն հովանոց: (Յիշատակենք նաև Երուանդ արքայի վրանը):

Մարտիրոսների տաղաւարը մատչելի էր միայն այն կղերականներին, որոնք պատարագ էին մատուցում մասունքները ծածկող սուրբ սեղանի վրայ:

Շարժողական եկեղեցու երկրորդ գոտին բաղկացած էր տաղաւարը հովանաւորող մի մեծ վրանից: Այնտեղ էր թագաւորը մտնում բազմաթիւ կղերականների և ժողովրդականների հետ միասին:

Ամեն անգամ թագաւորը ծամբորդելիս, սրբերի մասունքները տեղափոխում էին մի շիկակարմիր կառքի վրայ, թանկարժեք քարերով զարդարուած մի խաչով, որի վրայ փորագրուած էր արքայի անունը: Այդպիսի շքերթային խաչեր հաւանաբար վաղ ժամանակներից ի վեր գոյութիւն են ունեցել քրիստոնէական Կովկասում: Դժբախտաբար հայկական հին նմուշներ չեն պահպանուել: Այսօրուայ իր վիճակում Աշոտ երկրորդի խաչից մնում է միայն երկաթեայ կորիզը, որից հանուել է թանկարժեք մետաղէ զարդարուած և նկարագրուած վերևի տախտակները: Վրացական կողմից յայտնի է մեզ Դաւիթ Տայքի Կուրոպաղատի խաչը. սա արծաթեայ է՝ ոսկի ծածկոյթներով և կրում է իշխանի անունը:

Կառքին լծուած սպիտակ ծիերի պոչը կարմիր գոյնով ներկուած էր և նրանց վզի մագերը պսակով էին զարդարուած: Նոյնատիպ զարդարանքներ կարելի է գտնել Սասանեան արուեստում: Օրինակ, 6-7-րդ դարերում որսորդութեան մի տեսարանում Շահանշահի ծիու վզի մագերը երկուստեք հիւսուած են: Մէջտեղի մագերը մի տեսակ փետուր են կրում: 5-7րդ դդ. առիւծի որսորդութեան մի նկար ցոյց է տալիս արքունի ծիու պոչը, նախշազարդ թելով կապուած:

Դիւտական գիւղից Արաժմանք և Քարուէձից Ամարաս Վաչագանին տանող տեսիլք ու նշաններով աւարտում է Աղուանից ամբողջ հողամասում, Չաքարիայի և Պանտալիոնի մասունքների հետ միասին, արքայի կատարած մի երկարատև քաւութիւնաբեր ուղևորութիւն:

Ամարաս հասնելիս վճռական տեղեկութիւն իրեն յաղորդող վերջին պատգամաւորը այն նոյն Խոճկորիկն է, որ բերել էր Լուսաւորչի թոռան առաջին կոչը: Ապացոյց անենք այդպիսով, թէ շրջանը բոլորուած է: Իր գերեզմանի ծջգրիտ տեղին իսկոյն ցոյց տալու փոխարէն, Սուրբ Գրիգորիսը նախընտրել է Վաչագանին անգիտակցաբար այն ծանապարիղ կտրել տալ, ինչ ինքը հնուց կտրել էր սուրբ վկաների ուղեկցութեամբ՝ Աղուանքը քրիստոնէացնելու համար: Յրիից ելնելով այս ծանապարիղ Ամարաս պէտք է դառնայ, քանի որ այնտեղ է Աղուանքի առաջին կաթողիկոսի տապանը: Բայց ծանապարիի ընթացքում Սասանեանների պիղծ իշխանութիւնից արթնացուած դիւային ազդեցութիւնները միանգամից մաքրուել են սուրբ մարտիրոսների նշխարներով:

Նշանակալից մի մանրամասնութեան անդրադառնանք. պատմուածքի սկզբին Խոճկորիկը հանդիսանում է որպէս մրափող և ոչ սրամիտ մի ծերունի: Բայց 23-րդ գլխի վերնագրից յանկարծակի իմանում ենք, թէ ինքն Արսուաղէն արքայի պռնկորդին է եղել: Ոչ պատահաբար է հեղինակն այդ կարևոր տեղե-

կութիւնը մինչև պատմութեան վերջին դրուագը գաղտնի պահել: Գրիգորիսի մասունքները գտնելով, Վաչագանը ոչ միայն Լուսաւորչի հետ խզուած կապը նորից է հաստատել, այլև հանդիպել է Մեսրոպ Մաշտոցի կողմից լուսաւորուած, ամենքից շատ զարգացած Արսուաղէն արքայի վերջին ժառանգորդին:

Պատմութեան բարդ վիպասանական կառուցութեան, դրուագների արհեստական հերթականութիւնը, պատմողի աչառու որոշումը ամենապարզ դէպքերի (օրինակ մրափ գիշերային ժամերգութեան ընթացքում) գերաբուն պատճառների վերագրելու, սկզբին մեծ վստահութիւն չեն ներշնչում ժամանակագրութեան-իրականութեան նկատմամբ:

Այդուամենայնիս պատմութեան դրամատիկան բեմադրութեամբ հանդերձ, որոշ տեղեկութիւնների ժմարտութիւնն անվիճելի է երևում: Օրինակ, շատ հաւանական է Վաչագանի նկարագրութիւնը: Ակներև է, թէ այդ իրերն այնպէս են եղել ինչպէս հաստատում է պատմագիրը: Ինքն արքան այնքան պատկառանք է ունեցել դէպի Պանտալիոնի մասունքները, որ Շուշանիկ իր տիկնոջը հետ միասին այդ անունը դրին երկար տարիներով սպասուած իրենց անդրանիկ որդուն: Հետևաբար արքայի երկարատև ուխտագնացութիւնները աշխարհի մէկ ծայրից միւսը, ինչ էլ եղած լինի ժշգրիտ ծանապարհը, պէտք է ստուգուած իրականութիւն համարել:

Ընդհանրապէս նկատելի է թէ ինչ տրամաբանութեամբ պատմագիրը մեկնաբանում է արքայի կրօնական քաղաքականութիւնը, ոստիկանական հալածանքներ, կանոնական օրէնսդրութիւն, կրօնաքննութեան կազմակերպում, մասունքների միջոցով վայրերի սրբացում և բարեպաշտութեան մի նոր ձևի հաստատուելը հեթանոսական պաշտամունքները փոխարինելու համար: Վայրերին դարձրած ուշադրութիւնը նմանում է այն կոստանդինեան գաղափարաբանութեանը, որը Հայաստանում էր տիրում երբ որ սուրբ Սահակ Պարթևը վերջնական ձևը տուեց Վաղարշապատի եկեղեցիներին:

Բանն այն է, որ Կոստանդինոս զլխաւոր կրօնական խորհրդատու Եւսեբիոս Կեսարացին կարծում էր, թէ Տիրոջ Համբարձումից յետոյ Որա տնօրինութեան և կատարած հրաշքների տեղիները հաւատքի ամենավստահելի նշաններն էին դարձել: Այդ պատճառով յորդորել էր կայսերը Սուրբ Երկրի սրբավայրերը կառուցելու: Սակայն Առաքեալների աշխարհից-աշխարհ ուղևորութիւններն, իրենց իսկ մարտիրոսութիւններն և իրենց աշակերտներին, թոյլ էին տալիս ամենահեռաւոր երկրներում յիշողութեան սուրբ վայրեր հաստատել: Հայաստանի դէպքում Աստուածաշնչի առաջին թարգմանութիւնից յետոյ Սուրբ Սահակը յօրինել է տալիս Լուսաւորչի վարքի հին խմբագրութիւնը (5-րդ դար), որից յետագայում կօգտուի Ագաթանգեղոս հեղինակը:

Այդ վարքում զետեղուած Լուսաւորչի տեսիլքն արդարացնում է Սուրբ Էջմիածնի կառուցումն այսպէս կոչուած իջման սեղանի շուրջը, ինչպէս նաև նահատակուած կուսանաց սրբավայրերի տեղերը: Նմանապէս հեթանոսական տաճարների կործանման պատմութեամբը թելադրում է Հայաստանի գլխաւոր եկեղեցիների ուր լինելը:

Նոյն մեթոդին է դիմում աղուանական Զրիստոնէութիւնը վերահաստատող Վաչագանը: Իր թափած ջանքերը կենտրոնացնում է Գրիգորիսի վրայ: Ըստ 10-15 տարի առաջ յօրինուած Բուզանդարանին, համարում է նրան ամբողջ Աղուանքի իսկական լուսաւորչին, շեշտը դնելով յատկապէս հարաւային գաւառների վրայ: Ամարասը կրկնակի սուրբ է նկատուում թէ՛ Գրիգորիսի ոսկորների և թէ՛ Գրիգոր Լուսաւորչի հիմնադրած եկեղեցու պատճառով:

Սակայն քրիստոնէական պաշտամունքի ձևը պէտք է նախկին հեթանոսական սրբավայրերին ու ծեսերին յարմարուի, դրանք փոխարինելու համար: Բացօդեայ անապատ տեղիներում հաստատուող Աղուանքի հեթանոսական ծեսերը այն տպաւորութիւնն էին առաջացնում, թէ դիւային ազդեցութիւններ սփռուել են ամբողջ հողամասում: Տեղացի վկաների փառաւորումը և մասունքների տեղափոխումը միակ միջոցն էին հայթայթում՝ պէտք եղած սրբացումը այդ չարաշուճ և անանուն ոյժերը յարթելու և հալածելու համար: